

Ս. Ս. ԱՄԻՐՅԱՆ, Ալեքսանդր Մյասնիկյան, Երևան, «Հայաստան» հրատարակչություն, 1986, 640 էջ:

Գրախոսվող մենագրությունն իր բովանդակությամբ ու կառուցվածքով էապես տարբերվում է Ալ. Մյասնիկյանի մասին մինչ այժմ գրված աշխատություններից: Նրա հեղինակը Ալ. Մյասնիկյանի դրական ժառանգությունը քննել է նրա հեղափոխական պրակտիկ գործունեության հետ սերտորեն շաղկապված: Աշխատությունը գրված է արխիվներից, գրականությունից և պարբերական մամուլից վերցված հարուստ տվյալների, կուսակցական ու պետական փաստաթղթերի մանրակրկիտ ուսումնասիրության հիման վրա, մարքս-լենինյան մեթոդաբանությամբ և մարտնչող կուսակցականության դիրքերից: Օգտագործված փաստաթղթերի ու տվյալների մի զգալի մասը գիտական շրջանառության մեջ է գրված առաջին անգամ: Աշխատությունն աչքի է ընկնում կուսակցական շարժմանը և կարգաքննում է մեծ հետաքրքրությամբ: Նրա կառուցվածքը գիտականորեն հիմնավորված է, իսկ թեմայի հրատապությունը կասկած չի հարուցում:

Գիրքը բաղկացած է նախաբանից, տասն զեռյակներից և շարադրված է ըստ Ալ. Մյասնիկյանի կյանքի ու գործունեության զլխավոր փուլերի: Նախաբանում հեղինակը համառոտակի քննել է իր արժարժած թեմային վերաբերող գրականությունը, տվել նրա նորովի լուսաբանության անհրաժեշտությունը:

Աշխատության առաջին գլխում Ս. Ամիրյանը շարադրել է Ալ. Մյասնիկյանի սկզբնական ուսումնառության պատմությունը և զննահատել հասարակական այն միջավայրը, որում սկսեցին ձևավորվել Ալ. Մյասնիկյանի անհատականությունը, աշխարհայացքն ու քաղաքական համոզմունքները: Գույք է տվել, թե նա ինչպես հարստացրեց իր գիտելիքները, ծանոթացավ առաջին հեղափոխական-դեմոկրատների գործերին և լիրերալ տառանումներից անցում կատարեց դեպի հեղափոխական—դեմոկրատիզմը:

Գրքի հաջորդ զեռյակը նվիրված է Ալ. Մյասնիկյանի ուսումնառության և քաղաքական—հեղափոխական գործունեության մոսկովյան շրջանի (1904—1907 թթ.) պատմության վերլուծությանը: Այստեղ հեղինակը համոզել է ճշտել է այն հարցը, թե երբ Ալ. Մյասնիկյանն անցավ մարքսիզմի դիրքեր և երբ և ինչու իր կապերը խզեց «Սոցիալ—դեմոկրատական հայ կազմակերպության» (սպեցիֆիկների կուսակցության) հետ, որին անդամագրվել էր 1905 թ.: Հեղինակը ցույց է տալիս, որ Ալ. Մյասնիկյանը լազարյան ճեմարանում ուսանելիս լիովին ծանոթանում է մարքսիստական աշխարհայացքին, կարդում Վ. Ի. Լենինի աշխատությունները և 1905 թ. դառնալով համոզված մարքսիստ, մեկ տարի հետո մտնում է ՌՍԴԲԿ շարքերը: Բայց նա սպեցիֆիկյան կուսակցությունից չի հեռանում մինչև 1913 թ. (և ոչ թե մինչև 1914—1917 թթ., ինչպես կարծում են ոմանք): Սպեցիֆիկների հետ կապերը ժամանակին լիարժեք և նրանց մամուլին աշխատակցելու հարցում Ալ. Մյասնիկյանի ցուցաբերած անհատապաշտությունը մենագրության մեջ պատճառաբանված է հիմնավորապես: Հեղինակի կարծիքով, Ալ. Մյասնիկյանը սպեցիֆիկների հետ պահպանում էր գերազանցապես դրական կապեր՝ մարքսիզմը հայ բանվոր դասակարգի մեջ պրոպագանդելու նպատակով, իսկ դասակարգային, կազմակերպական հարցերում նա բոլշևիկյան դիրքերում էր սկսած 1906 թ.: Ալ. Մյասնիկյանը սպեցիֆիկներից հեռացավ ու հանդես եկավ նրանց հայացքները մերկացնող աշխատություններով, երբ նրա համար լիովին պարզ դարձավ նրանց կազմակերպության մանրրորժուական, ազգայնական բնույթը, եզրակացնում է հեղինակը:

Այնուհետև մենագրության մեջ հանգամանորեն քննվել է Ալ. Մյասնիկյանի կյանքի և գործունեության 1907—1917 թթ. ժամանակաշրջանը: Այստեղ լուսաբանված է այն պարբերությունը, թե ինչու և ինչպես Մոսկվայի համալսարան ընդունվելուց և այնտեղից արտաքսվելուց հետո (1906 թ.) Ալ. Մյասնիկյանը շուտով տեղափոխվեց Բաքու և, կապվելով Սոս. Շահումյանի, Վ. Ֆրոլենտովի, Ա. Ջափարիձեի, Մ. Ազիզբեկովի և մյուս բոլշևիկների հետ, տեղի բազմազգ պրոլետարական միջավայրում մոտ երկու տարվա ընթացքում դարձավ պրոֆեսիոնալ հեղափո-

խական: Յուլյ ք է տրված, որ Բաբվում նա բուլլեկյան աշխատանք էր կատարում, բանավոր ու գրավոր ելույթներով հանգես էր գալիս բուրժուազական կուսակցությունների, մասնավորապես զաշնակցության ու մենշևիզմի քննադատությամբ: Բացի այդ, նա հաճախ լինում էր Անդրկովկասի հայաշատ շրջաններում, մասնավորապես Ղարաբաղում, Ղարաբաղում, Քիֆ-յիսում և այլուր, նպաստում բուլլեկյան գաղափարների տարածմանը, երկրամասի պրոլետարիատի ինտերնացիոնալ համախմբմանը:

Դրքում հանգամանորեն վեր է հանվել 1908—1914 թթ. Մոսկվայում Ալ. Մյասնիկյանի ուսումնառության և ընդհատակյա բուլլեկյան գործունեության, ինչպես նաև գրական—հրապարակախոսական աշխատանքի պատմությունը, հիմնավորվել, որ Ստ. Շահումյանի և Ս. Սպանդարյանի հետ միասին նա դարձավ հայ մարքսիստական գրաքննադատության ռահվիրաններից և հիմնադիրներից մեկը հայ իրականության մեջ: Դրվատվել են հատկապես Մ. Նալբանդյանի մասին Ալ. Մյասնիկյանի գրած աշխատությունները, որոնցում նա առաջիններից մեկն էր, որ ցույց տվեց հեղափոխական դեմոկրատիզմի և սոցիալ—դեմոկրատիզմի միջև եղած կապը: Բարձր են գնահատված Ալ. Մյասնիկյանի հոգովածները Զ. Հակոբյանի, Շ. Կուրիանյանի, Զ. Հովհաննիսյանի, Ալ. Մատուրյանի և ուրիշների մասին, պատշաճ արժեքավորվել են կուլտուրա—ազգային ավտոնոմիայի վերաբերյալ նրա աշխատությունները:

Մենագրության մեջ այնուհետև տրվել է առաջին համաշխարհային պատերազմի տարիներին ցարական բանակում Ալ. Մյասնիկյանի ծավալած հեղափոխական գործունեության պատմությունը, հիմուս բուլլեկի կազմակերպչի ու պրոպագանդիստի նրա ընդունակությունների դրսևորման վառ պատկերը: Ընդգծված է այն փաստը, որ նա Արևմտյան ռազմաճակատում կռվում էր հերոսաբար և շանսիստությամբ տիրապետում ռազմական արվեստին՝ վերահաս հեղափոխությունների հաղթանակին նպաստ բերելու նպատակով: Հաջող է ցույց տրվել, թե Փետրվարյան հեղափոխությունից և ցարիզմի կործանումից ու երկիրշխանության հաստատումից հետո Ալ. Մյասնիկյանն Արևմտյան ռազմաճակատում ինչպիսի եռանդով էր պայքարում հին բանակի դեմոկրատացման, Վ. Ի. Լենինի ապրիլյան թեզիսների պրոպագանդան և հեղափոխության խաղաղ կուրսի իրագործման համար, թե ինչպես էր նա դառնում խոշոր մասշտաբի կուսակցական գործիչ, ինչ դեր խաղաց կուսակցության VI համագումարում ղինվորական հարցի քննարկումը կազմակերպելու և հեղափոխության ոչ խաղաղ, ղինված ապստամբության լենինյան կուրսը պաշտպանելու գործում: Ամենայն մանրամասնությամբ լուսաբանված է նրա դերը բանակի հետագա դեմոկրատացման, Արևմտյան ռազմաճակատում, Բելուսիայում, Հյուսիս—արևմտյան մարզում բուլլեկյան կազմակերպությունների ձևավորման, սովետների բուլլեկիզացման, հեղափոխության բանակի ստեղծման, ղինված ապստամբության միջոցով սոցիալ—խաղաղ կուրսի հեղափոխության իրականացման գործում: Դրքում լուսաբանված է նրա ղեկավար ղերը Բելուսիայի կոմկուսի և տեղում սովետական իշխանության ստեղծման գործում, ինչպես նաև նրա ծառայությունները մեծ Հոկտեմբերի նվաճումները պաշտպանելիս, երբ նա արդեն Արևմտյան ռազմաճակատի առաջին ընտրովի ղխավոր հրամանատարն էր, Հարավ—արևմտյան ռազմաճակատի ղխավոր հրամանատարի, ինչպես նաև Սովետական Ռուսաստանի ամբողջ ղինված ուժերի գերագույն հրամանատարի ժամանակավոր պաշտոնակատարը, կուսակցության Հյուսիս—արևմտյան մարզային կոմիտեի ու մարզգործկոմի նախագահը և այլն:

Ս. Ամիրյանի աշխատության մեջ վառ գուններով նկարագրված է, թե Ալ. Մյասնիկյանը կուսակցության կամքով նախ Արևելյան ռազմաճակատի ղխավոր հրամանատարի, իսկ այնուհետև նախ Ռե(բ)կ Մոսկվայի քաղաքային կոմիտեի ռազմական բաժնի վարիչի, քիչ անց այդ կոմիտեի առաջին քարտուղարի պաշտոններում ինչպիսի կարևոր դեր խաղաց կարմիր բանակի ղինարարության, Չեխական կորպուսի, ապա Անտանտի արշավանքների ղխաշխման գործում: Առանձին սիրով են գրված աշխատության այն էջերը, որոնք պատմում են Վ. Ի. Լենինի հետ նրա հանդիպումների, նրանց ղերմ փոխհարաբերությունների մասին: Մենագրության մեջ հանգամանորեն խոսվում է այն մասին, թե պատերազմից խաղաղ տնտեսական ղինարարությանը թեկնդիտելու այդ բարդ ղրջանում Ալ. Մյասնիկյանն ինչպես ղարոնակեց ղրսևորել կուսակցության ու պետական խոշոր մասշտաբի գործիչի իր փայլուն կարողությունները, թե ինչպես նա կուսակցության X համագումարում պաշտպանեց լենինյան տեսակետները, իսկ նախահամագումարյան բանավեճի ժամանակ՝ 10-ի պլատֆորմը: Մանրամասնությամբ քննված է Հայաստանում կառավարության նախագահի ու ռազմոդկոմի պաշտոններում Ալ. Մյասնիկյանի եռանդուն գործունեությունը հանրապետության քայքայված ժողովրդական տնտեսության վերականգնման ու վերակառուցման և սոցիալիստական ապագայի կերտման ասպարեզներում: Առհասարակ ղրքի միջով կարմիր թիլի պես անցնում է այն գաղափարն ու կասկած ղհարուցող ճշմարտություն—

ներ. որ. ՌԿ(բ)Կ Կենտկոմը Վ. Ի. Լենինի գիտություն մ. Ալ. Մյասնիկյանին քաղաքացիական պատերազմի տարիներին ուղարկում էր այն ուղղաճակատները, որտեղ հայրենիքին առավել մեծ վտանգ էր սպառնում, իսկ խաղաղ տնտեսական շինարարության շրջանում օգտագործում էր այնտեղ, որտեղ ծագած դժվարություններն ավելի շատ էին և անհրաժեշտ էր շտկել դրությունն ու ապահովել սոցիալիստական շինարարության սկսված պրոցեսը:

Յրախոսվող աշխատության մեջ մանրամասն ու համոզիչ վեր է հանված Ալ. Մյասնիկյանի վիթխարի աշխատանքը ՌԿ(բ)Կ X համագումարի որոշումների հիման վրա և Վ. Ի. Լենինի 1921 թ. ապրիլի 14-ի հայտնի նամակի ոգով Անդրկովկասում ու Հայաստանում նոր տնտեսական քաղաքականության իրականացման, ժողովուրդների միջև եղբայրական ու ազգային համերաշխության հաստատման, ինչպես նաև Անդրֆեդերացիայի ու ՍՍՀՄ-ի ստեղծման գործում: Միաժամանակ, բարձր է գնահատված նրա գործունեությունը Սովետական Հայաստանի կառավարության, Անդրկովկասի սովետական հանրապետությունների ֆեդերատիվ միության (դաշնակցային խորհրդի) նախագահի, ՌԿ(բ)Կ Կովկասյան և ապա Անդրկովկասյան երկրային կոմիտեի քարտուղարի, ՍՍՀՄ Կենտգործկոմի նախագահության անդամի պաշտոններում: Տպավորիչ է արոցկիզմի և հակակուսակցական թեքումների ու հոսանքների, վերլիկոսական շովինիզմի ու նացիոնալ ուկրոնիզմի, ինչպես նաև բուրժուական ազգայնականության դեմ մղված պայքարում Ալ. Մյասնիկյանի դերի լուսաբանությունը: Հետաքրքրական են գրքի այն էջերը, որոնցում տրված է Բելոռուսիայում, Մոսկվայում և Անդրկովկասում բուլժեկյան մամուլի ստեղծման և կուսակցական սովետական ու ուղղաճակատ կադրերի պատրաստման քննադատականությունը: Ալ. Մյասնիկյանի պատկանելի ծառայությունների պատմությունը Աշխատության մեջ պատշաճ բնութագրված են Ալ. Մյասնիկյանի հարուստ գրական ժառանգությունը, նրա բարձրարժեք գրական ու հրապարակախոսական ստեղծագործությունները: Հաշու է գրված նաև աշխատության վերջին մասը, որը նվիրված է Ալ. Մյասնիկյանի ողբերգական մահվան հանգամանքների և նրա հիշատակի հավերժացման պատմությանը:

Աշխատության մեջ հեղինակը շատ փաստեր լուսաբանել է նորովի, ուղղել գրականության մեջ տեղ գտած բազմաթիվ անճշտություններ: Սակայն աշխատությունը զերծ չէ նաև առանձին թերություններից ու վրիպակներից: Լրացուցիչ ապացույցների կարիք ունի հեղինակի այն պնդումը, թե Հայաստանում ուղղաճակատ կոմունիզմի քաղաքականության կիրառումը սխալ էր. և եթե Ալ. Մյասնիկյանը ավելի շուտ դարձաժամանակ, այդ քաղաքականությունը չէր կիրառվի: Ճանկալի կլինեք, որ հեղինակն ավելի մանրամասն անդրադառնալով ուղղաճակատ օպոզիցիայի մասին ՌԿ(բ)Կ VIII համագումարի նյութերին:

Ընդհանուր առմամբ գրախոսվող մենագրությունը հաջողված ու բարձրարժեք գիտական աշխատություն է և կարևոր նշանակություն ունի աշխատավորության, մանավանդ երիտասարդության կոմունիստական դաստիարակության, ինչպես նաև կուսակցության, սովետական տնտեսական ու ուղղաճակատ կադրերի ուսուցման գործում:

ՎԼԱԴԻՄԻՐ ՆԵՐՍԻՍՅԱՆ

Պատմական գիտությունների դոկտոր: